

GODIŠNJI IZVJEŠTAJ ZA 2024.GODINU



Udruženje roditelja djece sa poteškoćama u razvoju "Mala sirena"

Mehmeda Spahe bb 72220 Zavidovići

Tel: 032-877-889 Mob: 062-078-392

ID broj: 4218777270001

Broj računa: 1610000264040025 Raiffeisen banka

Web: www.mala-sirena.com

E-mail: udruzenje.mala.sirena@hotmail.com

Udruženje roditelja djece sa poteškoćama u razvoju

„Mala sirena“, Zavidovići

ŠTA KAŽU O NAMA

NAŠI ČLANOVI - RODITELJI DJECE SA POTEŠKOĆAMA U RAZVOJU ❤️

Sara je djevojčica koja ima tri i po godine i već godinu dana pohađa tretmane u Maloj Sireni. Kada je prvi put došla, Sara nije koristila pokazne geste, pažnja joj je bila ograničena, kontakt očima slab, i nije govorila. Takođe, njena socijalizacija bila je na veoma niskom nivou. Danas, zahvaljujući stručnom radu i velikom trudu, Sara je prevazišla mnoge prepreke. Postala je djevojčica koja sa lakoćom koristi pokazne geste, njen kontakt očima je značajno poboljšán, pažnja je sada mnogo bolja, i počela je da govori. Njena socijalizacija je doživjela potpuni preokret, i Sara sada radosno komunicira i igra se sa drugima. Ovaj napredak je pravi dokaz koliko adekvatan rad i posvećenost mogu pomoći djetetu da dostigne svoj puni potencijal.

Mi smo član udruženja pet godina i imam samo riječi hvale. Moja djevojčica je imala tri godine kada smo počeli koristiti usluge, a sada ide u školu hvala Bogu bez pomoći asistenta. Nije razumjela ni jednu riječ, nije se odazivala na svoje ime niti je znala pričati. Bilo je dosta i senzornih poteškoća, straha od svega i svakog zvuka. Hvala Bogu, uz pomoć njenih učiteljica, to je sve prevazišla. Ima još malo problema sa pažnjom i koncentracijom ali nadam se aBd da će i to prevazići. Ne smijem ni da zamislim kako bi bilo da nam nije bilo Sirene. Zajednički se bore za djecu svim silama i hvala im na tome. Posebno puno znače izleti i priredbe kroz koje se djeca pokazuju šta znaju, a direktorica se bori i trudi da se to sve djeci ostvari. Hvala Bogu pa su tu za nas.

Hvala što postojite ...Vi ste zaslužni za svaki osmijeh svakog člana porodice koja ima dijete sa bilo kakvom poteškoćom..velike tuge ste obrisali...Vi ste oni koji nam dajete snagu i vjetar u ledja...Želimo vam puno uspjeha u budućnosti i da svi skupa postignemo još bolje rezultate...

VIZIJA

Želimo postati centar koji će pružati sve potrebne stručne ali i druge vrste usluga za djecu sa poteškoćama u razvoju i članove njihovih porodica i postati partner javnih ustanova i donosioca odluka s ciljem potpune inkluzije osoba sa invaliditetom.

MISIJA

Udruženje roditelja djece s poteškoćama u razvoju „Mala sirena“ je osnovano s ciljem unapređenja kvaliteta života, medicinske i socijalne zaštite djece s poteškoćama u razvoju i njihovih porodica. Udruženje je socijalna i humanitarna organizacija za poboljšanje obrazovanja, rada, uključivanja u društveni svakodnevni život, zaštite, brige i raznih vidova pomoći djeci s poteškoćama u razvoju. Udruženje ovakvog tipa nije luksuz već potreba. Potreba da se postojeće znanje i sposobnost stavi na raspolaganje onima kojima je potrebno i kojima će biti od koristi je također razlog našeg postojanja. Mišljenja smo da svako živo ljudsko biće ima svoje potencijale, talenat i kreativnost, kao i potrebu da živi u zajednici s drugima. Naša moralna odgovornost nam nalaže da pomognemo i vodimo brigu o onima kojima je to potrebno. Naš cilj jeste razvijanje raznih oblika pomoći, kao i razvoj ličnog rasta i razvoja, razvoj vještina te normalno funkcioniranje kako djece s teškoćama u razvoju tako i njihovih roditelja, te ih na taj način uključiti u svakodnevni društveni život.

OSNOVNO O NAMA


Udruženje „Mala Sirena“ iz Zavidovića je lokalna nevladina organizacija formirana 03.05.2012. sa ciljem inkluzije djece sa poteškoćama u razvoju u lokalnu zajednicu. Udruženje su pokrenuli roditelji djece sa poteškoćama u razvoju u pokušaju da zadovolje potrebe djece, ali i da razviju projekte i programe koji bi rezultirali adekvatnim politikama lokalne zajednice na pružanju socijalnih i obrazovnih mogućnosti za djecu sa poteškoćama u razvoju. Udruženje okuplja i pruža podršku za djecu i mlade sa poteškoćama u razvoju i članove njihovih porodica. Pri udruženju su angažovani stručnjaci različitih profila (defektolozi, psiholog, socijalni pedagog, odgajatelj, asistenti) koji realizuju aktivnosti sa korisnicima. Korisnicima je na raspolaganju kompletan set savremenih stručnih usluga koje su većinom nedostupne za ovu kategoriju djece čak i u velikim gradovima BiH. Sve usluge su besplatne za korisnike. Pored djece i porodica iz Zavidovića, usluge udruženja koriste iporodice iz Žepča, Maglaja i Tešnja. Udruženje je dobitnik sljedećih priznanja: priznanje općinskog načelnika „Pohvala za unapređenje života u društvenoj zajednici“ i UNICEF-ovo priznanje „Šampion inkluzije“ kao i zahvalnice Pedagoškog zavoda ZDK i mnogobrojnih drugih. Udruženje je kao odgovoran i pouzdan partner dobilo veliki broj pisama preporuke: Pismo preporuke USAID-a, UNICEF-a, Federalnog ministarstva zdravstva, IN Fondacije, Kantonalnog ministarstva rada i socijalne politike ZDK i Ministarstva za ljudska prava i izbjeglice.

REALIZOVANE AKTIVNOSTI U 2024. GODINI

Tokom 2024. godine Udruženje je realizovalo aktivnosti sa djecom i omladinom sa poteškoćama u razvoju i njihovim porodicama svaki radni dan u periodu od 8:00 do 16:00 sati.

Individualne stručne terapije

Ovu aktivnost smo organizovali u prostorijama udruženja svaki radni dan u periodu od 8:00 do 16:00 sati. Na osnovu procjene stručnog osoblja, djeca su bila uključena u redovan rad sa stručnjacima različitih profila: logopedski tretmani, defektološki tretmani, senzorna terapija, fizikalni tretmani i neurofeedback terapija. Ovo su usluge koje su dostupne u svega nekoliko gradova BiH.



Grupne stručne terapije

Rana intervencija – Ranu intervenciju su realizovala četiri terapeuta i asistent, radnim danima u periodu od 9:00 do 11:00 sati. Tokom boravka djece, realizovali smo niz aktivnosti kao što su imitacija uz pjesmicu, održavanje lične higijene, poligon sa preprekama, defektološki i logopedski tretmani, senzorna terapija te slobodna igra.

Inkluzivne igraonice – Inkluzivne igraonice su realizovali odgajatelj, terapeut i asistent radnim danima u periodu od 11:15 do 15:45 sati. U sklopu ove aktivnosti organizovali smo edukativno - kreativne igraonice za grupu djece sa poteškoćama u razvoju i djece tipičnog rasta i razvoja. Sa djecom se radilo po programu koji sadrži grupne aktivnosti (jutarnja pjesmica uz imitaciju, predstavljanje i pozdravljanje, jutarnja gimnastika, poligon ili igra u dvorištu, usmjerene aktivnosti gdje se sa djecom obrađuju razne teme i razvija fina motorika i čitanje priče a između aktivnosti slobodna igra). Terapeut i odgajatelj su vršili opservaciju djece u vršnjačkoj grupi i na osnovu opservacije pripremali različite aktivnosti za razvijanje dječijih vještina, interesovanja i talenata ali i smanjivanju “društveno neprihvatljivih ponašanja”.




Kratki boravak

Kratki boravak do 4 sata dnevno se organizovao po principu rezervacije prije na dan ili dva gdje su roditelji mogli ostaviti svoju djecu ili odraslu osobu sa poteškoćama u razvoju u prostorijama udruženja. U kratkom boravku s djecom su se organizovali edukativni sadžaji u skladu sa njihovim mogućnostima i interesovanjima, boravak u snoozel sobi, boravak u dvorištu, pružanje psihološke i socio - medicinske pomoći itd.



Kućne posjete

Psiholog i fizioterapeut su realizovali kućne posjete za porodice koje imaju teško pokretnu ili nepokretnu djecu i odrasle.



Radionice za djecu i članove porodica


Organizovali smo kreativne, ekološke i edukativne radionice, radionice kuhanja i radionice sa psihologom za djecu, roditelje i članove porodica djece sa poteškoćama u razvoju.



Svečano otvorenje novog objekta

Udruženje je u periodu juli 2022.- juni 2024.godine izgradilo jedan od najljepših objekata za djecu u BiH, površine 503 m² stambenog prostora, koji sadrži moderno opremljene kabinete i opremu za pružanje svih vrsta stručnih usluga (defektološki i logopedski tretmani, neurofeedback i senzorna terapija) ali i prostranu igraonicu, kuhinju i dnevni boravak, prohodnu krovnu terasu površine 300 m² kao i baštu sa platenikom s jagodama, lavandom i nevenom. Objekat je izgrađen velikim dijelom od donacija pojedinaca te je još jedan od dokaza da filantropija istinski živi u BiH. Svačanom

otvorenju centra su prisustvovali predstavnici međunarodnih i lokalnih NVO, Ambasade Češke, javnih ustanova, Armije BiH, Turske vojne misije, ministarstava, poslovnog sektora, donatori pojedinci i drugi gosti. Aktivnost se sastojala od kulturno - umjetničkog nastupa djece s poteškoćama u razvoju, obraćanja donatora, bogatog programa za djecu i odrasle i druženja uz kafu i ručak. Vrpce su presjekli federalni ministar rada i socijalne politike Adnan Delić, direktor Swiss Barakah Charity Moamad Ajami i direktorica Udruženja „Mala sirena“ Adisa Mahovac. Tokom aktivnosti dijelili smo promotivni materijal i razgovarali sa gostima. Događaj su propratili mnogobrojni mediji.



Izleti i ekskurzije

Organizovali smo jednodnevni izlet na Malak farmu i dvodnevni izlet u Sarajevo za porodice djece sa poteškoćama u razvoju. Učesnici su bili smješteni u hotel HILLS gdje su održane radionice osnaživanja sa psihologom i edukativne radionice o ovisnosti o drogi, cigaretama, kockanju i pušenju a djecu i za roditelje. Učesnici su takođe obišli Sarajevsku žičaru, Baščaršiju i Pionirsku dolinu.



Teambuilding i edukacije osoblja udruženja

Osoblje Udruženja je pohađalo formalne i neformalne edukacije. Održali smo dva teambuildinga za osoblje udruženja.



Podjela paketića za članove udruženja


I u 2024.godini smo obradovali našu dragu djecu paketićima. Svaku priliku koristimo da donesemo osmijeh na lica naših mališana ali i naše drage omladine.



OSTALE AKTIVNOSTI

Organizovali smo promotivni događaj „Zdravi doručak“, okrugli sto, treninge za nastavnike i asistente u nastavi, radionice za Vijeća učenika osnovnih škola, inkluzivne radionice sa učenicima osnovnih i srednjih škola. Izradili smo izuzetno vrijedne setove didaktičkog materijala za rad sa učenicima sa poteškoćama u razvoju, radili na podizanju svijesti javnosti kroz medijske nastupe i objave putem društvenih mreža. Učestvovali smo na događaju „Unaprjeđenje zdravstvenih usluga u BiH“ u srijedu, 17. 1. 2024. g., u Sarajevu koji je organizovao Islamic Relief Bosna i Hercegovina, na kojem je direktorica udruženja učestvovala kao jedan od panelista i prezentovala rad Udruženja i Servis centra. Događaj su otvorila naša djeca plesnom tačkom a zatvorila izvođenjem dječijih pjesmica. Povodom obilježavanja Međunarodnog dana osoba sa Down sindromom, dana 21.3.2024.godine organizovali smo podjelu poklona za djecu, radionice za djecu i roditelje u prostorijama udruženja a zatim odlazak autobusom u Arenu u Zenici na humanitarnu akciju na koju su nas pozvali navijači BH Fanaticos. Poslije utakmice smo imali priliku da se fotografišemo sa poznatim fudbalerima BH fudbala i tom prilikom smo im podijelili promotivne brošure o radu Udruženja i Servis centra. Organizovali smo okrugli sto i potpisali Memorandum o saradnji sa osnovnim školama Grada Zavidovići kojim su se svi potpisnici obavezali da će kroz svoj rad unaprijediti uslove za živote djece i osoba sa poteškoćama u razvoju. Redovno smo pratili pozive za projekte i aplicirali na iste.





BROJ KORISNIKA I VRSTA USLUGA

UKUPAN BROJ KORISNIKA	161
UKUPAN BROJ DJECE	93
UKUPAN BROJ RODITELJA	68

VRSTA USLUGE	BROJ PRUŽENIH USLUGA
KRATKI BORAVAK	93
DEFEKTOLOŠKI TRETMAN	1981
LOGOPEDSKI TRETMAN	1070
NEUROFEEDBACK TRETMAN	794
FIZIKALNI TRETMANI	102
SENZORNA TERAPIJA	615
RANA INTERVENCIJA	820
INKLUZIVNA IGRAONICA	1388
SOCIOMEDICINSKA PODRŠKA	765
PSIHOLOŠKA TERAPIJA	66
RADIONICE ZA DJECU I ODRASLE	260
KUĆNE POSJETE	28
OPSERVACIJE	41
UKUPAN BROJ PRUŽENIH STRUČNIH USLUGA	8023

FINANSIRANJE AKTIVNOSTI

Udruženje je pratilo i redovno apliciralo na projektne pozive koji su bili u skladu sa ciljevima Udruženja. Navedene aktivnosti udruženja su realizovane zahvaljujući odobrenim projektima ali i mjesečnim sponzorima Udruženja, članovima prijateljima i donacijama pojedinaca.

REALIZOVANI PROJEKTI U TOKU 2024.GODINE

NAZIV PROJEKTA	POČETAK PROJEKTA	ZAVRŠETAK PROJEKTA	DONATOR
Zapošljavanje osoba sa invaliditetom	2.12.2024.	2.12. 2025.	Fond za profesionalnu rehabilitaciju
Projekat Vaninstitucionalno zbrinjavanje osoba sa invaliditetom	1.10.2024.	30.04.2025.	FEDERALNO MINISTARSTVO RADA I SOCIJALNE POLITIKE
Servis centar - sve usluge na jednom mjestu	1.10.2024.	24.01.2025.	USAID/INSPIRE
Zajedno protiv ovisnosti: podrška porodicama djece s poteškoćama u razvoju i mladima s poteškoćama u razvoju	9.8.2024.	9.12.2024.	FMON
Servis centar za podršku porodicama djece i odraslih sa poteškoćama u razvoju 2024	1.7.2024.	31.12.2024.	FEDERALNO MINISTARSTVO RADA I SOCIJALNE POLITIKE
Oснаživanje roditelja djece sa poteškoćama u razvoju i stručnog osoblja	5.8.2024.	5.12.2024.	VLADA ZDK
Opremanje Centra i postavljanje video nazora	2024.		SWISS BARAKAH CHARITY
We matter	1.3.2024.	30.4.2024.	ZIMSKI DIPLOMATSKI BAZAR
Ecology of the inclusion of children with disabilities	1.3.2024.	30.10.2024.	AMBASADA REPUBLIKE ČEŠKE
Therapiestation fur Kinder mit Entwicklungsschwierigkeiten	1.1.2024.	31.12.2024.	RED CHAIRITY
Izgradnja objekta za rad sa djecom sa poteškoćama u razvoju - ZAVRŠIMO KUĆU DJEČJIH SNOVA, ZAJEDNO	1.1.2024.	31.12.2024.	FEDERALNO MINISTARSTVO RADA I SOCIJALNE POLITIKE
Inkluzija u praksi	1.10.2023.	30.9.2024.	USAID/INSPIRE
Medicinska rehabilitacija djece i mladih sa cerebralnom paralizom i drugim teškim oboljenjima	1.1.2024.	31.3.2024.	FEDERALNO MINISTRSTVO ZDRAVSTVA
Tvoja učionica po tvojoj mjeril"- opremanje Centra za djecu i mlade sa poteškoćama u razvoju	2024.		Humanitarno udruženje VALTER OD Tešnja
Inclusion of persons with disabilities for inclusive society	24.7.2023.	31.7.2024.	AMBASADA SAD-a

GRAD ZAVIDOVIĆI je sufinansirao projekte i redovne aktivnosti udruženja sa 41.500 KM (Tekući transfer za sufinansiranje troškova redovnog rada i projekata Udruženja „Mala sirena“ za 2024. godinu). Organizacija ISLAMIC RELIEF je finansirala banjsko liječenje za jednog našeg korisnika uz pratnju roditelja i nabavku didaktičkih igračaka a jedan broj porodica je dobio i donaciju plastenika, krava, ovaca, motokopačica i koka što je uveliko unaprijedilo kvalitet njihovog života. Organizacija AHMADIJA DŽEMAT je donirala opremu za fizikalni kabinet.

MEDIJSKI NASTUPI

Realizovane aktivnosti (fotografije i video snimke) smo redovno objavljivali na našoj fb stranici <https://www.facebook.com/udruzenje.malasirena> koju trenutno prati 12650 osoba i web stranici www.mala-sirena.com . Naše aktivnosti su medijski propratili FTV, BHRT ,HAYAT TV, Smart TV, Radio 1503 Zavidovići, RTV TK, zdici.info, snagalokalnog.ba, mreza-mira.net, radiosarajevo.ba i drugi internet portali.

ORGANIZACIONA STRUKTURA

Predsjednica skupštine: Selma Prasko

Izvršna direktorica udruženja: Adisa Mahovac

Upravni odbor: Lejla Alijić (predsjednica UO), Adis Humkić (član UO), Anida Huremović (član UO)

Skupština Udruženja: Redovni članovi Udruženja (roditelji djece sa poteškoćama u razvoju)

